

飲食加進醫等亦診云氣平七虞終祭也故欲行之雖行此祭豈至於不得行乎哭祭乎○庚戌藥房提調弘文館司憲府啓曰上體雖似小蘇而元氣極傷犯夜勞動必致重傷以生他證請停七虞親行安靜調保待卒哭行之荅曰近日食飲氣候似平虞祭累不得行故欲行七虞卒哭祭豈以行祭之故至於加證乎茲以不從僉啓○辛亥臺諫請停七虞祭五啓不從○日暈○壬子 上親行七虞祭藥房提調及三公等請令醫入診 上候答曰氣平何必入診○癸丑政院啓曰自 上欲於卒哭祭後仍行上食夜又勞動又仍行上食則必生他證臣等之意以為不可行傳曰前於虞祭後亦欲行上食而朝廷欲予調保故不行今則氣候平常豈不自度料而欲行乎○臺諫弘文館請令醫入診 上候且勿行朝上食荅曰氣平故大臣臺諫累請而不從矣○夜坤方艮方有氣如火○甲寅 上親行卒哭祭○預議政尹仁鏡左議政柳灌右議政成世昌啓曰自上欲親行朝上食今已親行卒哭祭矣上食豈無他日 上體